




N/r. Alisa Rulic
22.01.2026
Begovic

Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

Broj: 27/03-04-**5**7021-17.1/25
Sarajevo, 19.01.2026. godine

JU STUDENTSKI CENTAR SARAJEVO
Sarajevo, Aleja Bosne Srebrene bb



PREDMET: Zastupničko pitanje - Izjašnjenje, *traži se*

Poštovani,

Ministarstvo za nauku, visoko obrazovanje i mlade Kantona Sarajevo zaprimilo je zastupničko pitanje koje je zastupnica Marijela Hašimbegović postavila na 27. radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“.

Zastupničko pitanje se odnosi na „način donošenja Cjenovnika uskuga u sklopu smještajnih kapaciteta i drugih usluga Studentskog centra“, koje vam u prilogu ovog akta dostavljamo. Molimo da Ministarstvu za nauku, visoko obrazovanje i mlade dostavite odgovor/izjašnjenje na postavljeno pitanje u što kraćem vremenskom periodu.

S poštovanjem,

MINISTRICA
Prof. dr. Dušanka Bošković

Dostaviti:

- Naslovu,
- a/a.

100

100



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-57021-17/25
Sarajevo, 16.12.2025. godine

-VLADA KANTONA SARAJEVO

MINISTARSTVO ZA NAUKU, VISOKO OBRAZOVANJE I MLADE KANTONA SARAJEVO

-JU "STUDENTSKI CENTAR" SARAJEVO
Ul. Aleja Bosne Srebrene bb

PREDMET: Zastupničko pitanje, dostavlja se -

Zastupnica Marijela Hašimbegović na 27. radnoj sjednici Skupštine Kantona Sarajevo, održanoj dana 16.12.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je **zastupničko pitanje** koje vam u prilogu dostavljamo.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Dženita Džebović
Kontrolisala: Amela Smailagić-Čamdžić



**PREDSEDavajući
SKUPŠTINE KANTONA SARAJEVO**

Okerić

CO:

- sekretar SKS
- sekretar Vlade

VLADA KANTONA SARAJEVO

**Ministarstvo za nauku, visoko obrazovanje i mlade
JU „Studentski centar“ Sarajevo**

Predmet : Zastupničko pitanje za 27. radnu sjednicu SKS

Upućujem pitanje za JU „Studentski centar“ Sarajevo

1. Koliko puta je Studentski centar od 1.1.2019. do 16.12.2025. donosio Cjenovnik usluga u sklopu smještajnih kapaciteta JU „Studentski centar“ u skladu s kategorizacijom smještajnih kapaciteta i drugih usluga u sklopu Studentskog centra (u daljem tekstu: cjenovnik) i da li je pribavljao saglasnost na Cjenovnike u ovom periodu od strane Vlade KS u skladu s članom 8. Osnivačkog akta Studentskog Centra?

Odgovor na ovo zastupničko pitanje treba biti formulisano na način da: Studentski centar taksativno – pojedinačno navede za svaki Cjenovnik tj. datum donošenja Cjenovnika i priloži odluku Upravnog odbora Studentskog centra o donošenju Cjenovnika u skladu s članom 8. Osnivačkog akta. Da li je pribavljao saglasnost Vlade Kantona Sarajevo i da li je primjenjivao Cjenovnike bez prethodne saglasnosti Vlade KS.

Pitanje za Vladu Kantona Sarajevo.

1. Da li je Vlada Kantona Sarajevo od 1.1.2019. do 16.12.2025. zaprimala od Studentskog centra putem resornog ministarstva ili direktno zahtjeve za dobijanje saglasnosti Vlade KS na Cjenovnik koje je donosio Studentski centar i koliko puta?

Odgovor na ovo zastupničko pitanje treba biti formulisano na način da: Vlada KS taksativno – pojedinačno navede svaki Cjenovnik tj. datum kada je dala saglasnost na Cjenovnik i da priloži odluku u kojoj se daje saglasnost na Cjenovnik. Posebno Vlada KS treba da priloži odluke za koje nije dala saglasnost na Cjenovnik i da obrazloži zašto nije dala saglasnost na Cjenovnik.

Obrazloženje:

Ured za reviziju institucija FBiH je 2017. i 2022. godine proveo reviziju finansijskog poslovanja Studentskog centra u kojem je utvrdio niz nepravilnosti, a najvažnije za ovo pitanje jeste da je Studentski centar primjenjivao Cjenovnike za koje Studentski centar nije pribavio saglasnost od Vlade KS. Ovakvim protupravnim radnjama Studentskog centra, može se reći da je Studentski centar suprotno Osnivačkom aktu naplaćivao skuplje usluge od strane studenata i njihovih kantona putem subvencija. Ured za reviziju institucija FBiH je u 2024. godini proveo analizu ispunjenja preporuka Studentskog centra iz izvještaja 2022. godine do 31.12.2024. i ocijenio „nerealiziranom preporuku“ u kojoj je Studentski centar bio dužan pribaviti

saglasnost Vlade KS za Cjenovnik. Poznato nam je da 3.10.2013. Vlada KS nije dala suglasnost na Cjenovnik Studentskom centru jer cijena usluga nije pratila povećanje kvaliteta usluga. Prosječno za jednog studenta smještaj košta oko 500 KM mjesečno, a uslovi su katastrofalni i neuslovni. Godinama su rasle cijene, a uslovi su se pogoršavali, a pitanje je gdje se preusmjeravao novac koji su uplaćivali studenti i njihovi kantoni. Još teže po studentski standard jeste izvještaj Ureda za reviziju institucija FBiH koji je ustanovio da je Studentski centar primjenjivao cjenovnike koji nisu dobili saglasnost Vlade KS, a cijene su rasle i snosili su ih studenti i njihovi kantoni.

U Sarajevu, 16.12.2025.
Marijela Hašimbegović, dia
Zastupnica

U Sarajevu,
16.12.2025 godine
Marijela Hašimbegović dia
zastupnica



Broj: 01-40-I/26
Sarajevo, 28.01.2026. godine

KANTON SARAJEVO

29-01-2026

MINISTARSTVO ZA NAUKU, VISOKO OBRAZOVANJE I MLADE KS
Ul. Reisa Džemaludina Čauševića broj 1, Sarajevo
n/r Prof.dr. Dušanka Bošković, ministrica

Predmet: Izjašnjenje, dostavlja se

Veza Vaš akt broj: 27/03-04-57021-17.1/25 od 19.12.2026. godine

Poštovani,

Dana 21.01.2026. godine, zaprimili smo Vaš akt pod naprijed navedenim brojem kojim se traži odgovor na zastupničko pitanje postavljeno od strane zastupnice Marijele Hašimbegović.

Pitanje: Koliko je puta Studentski centar od 1.1.2019. do 16.12.2025. godine donosio Cjenovnik usluga u sklopu smještajnih kapaciteta JU „Studentski centar“ u skladu sa kategorizacijom smještajnih kapaciteta i drugih usluga u sklopu Studentskog centra (u daljem tekstu: cjenovnik) i da li je pribavljao saglasnost na Cjenovnike u ovom periodu od strane Vlade KS u skladu sa članom 8. Osnivačkog akta Studentskog centra?

Odgovor:

- Upravni odbor je na sjednici održanoj dana 21.05.2019. godine donio Cjenovnik usluga u sklopu smještajnih kapaciteta JU „Studentski centar“ Sarajevo u skladu sa kategorizacijom smještajnih kapaciteta i drugih usluga u sklopu JU „Studentski centar“ Sarajevo – prilog Odluka o usvajanju Cjenovnika usluga u sklopu smještajnih kapaciteta JU „Studentski centar“ Sarajevo u skladu sa kategorizacijom smještajnih kapaciteta i drugih usluga u sklopu JU „Studentski centar“ Sarajevo broj: 01-250/19 od 22.05.2019. godine,
- Upravni odbor je na sjednici održanoj dana 14.09.2023. godine donio Cjenovnik usluga u sklopu smještajnih kapaciteta JU „Studentski centar“ Sarajevo u skladu sa kategorizacijom smještajnih kapaciteta i drugih usluga – prilog Odluka o usvajanju Cjenovnika usluga u sklopu smještajnih kapaciteta JU „Studentski centar“ Sarajevo u skladu sa kategorizacijom smještajnih kapaciteta i drugih usluga broj: 01-830/23 od 14.09.2023. godine,
- Upravni odbor je na sjednici održanoj dana 27.11.2023. godine donio dopunu Cjenovnika usluga u sklopu smještajnih kapaciteta JU „Studentski centar“ Sarajevo u skladu sa kategorizacijom smještajnih kapaciteta i drugih usluga u sklopu JU „Studentski centar“ Sarajevo sa dopunom – prilog Odluka o dopuni Cjenovnika usluga u sklopu smještajnih kapaciteta JU „Studentski centar“ Sarajevo u skladu sa kategorizacijom smještajnih kapaciteta i drugih usluga u sklopu JU „Studentski centar“ Sarajevo sa dopunom broj: 01-1275-Od/23 od 05.12.2023. godine,
- Upravni odbor je na sjednici održanoj dana 26.01.2024. godine donio izmjenu Cjenovnika usluga u sklopu smještajnih kapaciteta JU „Studentski centar“ Sarajevo u skladu sa kategorizacijom smještajnih kapaciteta i drugih usluga u sklopu JU „Studentski centar“

Sarajevo sa dopunom – prilog Odluka o izmjeni Cjenovnika usluga u sklopu smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta i drugih usluga u sklopu JU "Studentski centar" Sarajevo sa dopunom broj: 01-95-Od/24 od 26.01.2023. godine,

- Upravni odbor je na sjednici održanoj dana 17.04.2024. godine donio Cjenovnik usluga u sklopu smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta i drugih usluga u sklopu JU "Studentski centar" Sarajevo sa izmjenom – prilog Odluka o izmjeni Cjenovnika usluga u sklopu smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta i drugih usluga u sklopu JU "Studentski centar" Sarajevo broj: 01-476/24 od 18.04.2024. godine.
- Upravni odbor je na 1. sjednici održanoj dana 24.10.2025. godine donio Cjenovnik usluga u smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta i drugih usluga u sklopu JU "Studentski centar" Sarajevo – prilog Odluka o dopuni Cjenovnika usluga u smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta i drugih usluga u sklopu JU "Studentski centar" Sarajevo broj: 01-1175/25 od 24.10.2025. godine i Odluka o dopuni Cjenovnika usluga u smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta i drugih usluga u sklopu JU "Studentski centar" Sarajevo broj: 01-1176/25 od 24.10.2025. godine.

JU "Studentski centar" Sarajevo je dostavio Ministarstvu za obrazovanje, nauku i mlade KS Odluku Upravnog odbora o usvajanju Cjenovnika, te Cjenovnik, kao i Urgenciju u vezi davanja saglasnosti na Cjenovnik, međutim na isto nikada nije dostavljen odgovor. Ustanova je prosljedila navedene dokumente Resornom ministarstvu jer je isto nadležno za praćenje poslovanja JU "Studentski centar" Sarajevo.

Što se tiče davanja saglasnosti na Cjenovnik usluga u sklopu smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta iz 2023. godine, direktor JU "Studentski centar" Sarajevo je uputio istu na Vladu KS putem Ministarstva za nauku, visoko obrazovanje i mlade KS. Međutim na predmetni Cjenovnik, JU "Studentski centar" Sarajevo, nikada nije dobio odgovor. Upravni odbor je na sjednici održanoj dana 23.10.2023. godine donio Zaključak da ukoliko Vlada KS u roku od 30-60 dana ne da saglasnost na Cjenovnik usluga u sklopu smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta, Studentski centar će smatrati da je Vlada KS prećutno dala saglasnost na isti.

JU "Studentski centar" Sarajevo je dana 20.10.2025. godine uputio Urgenciju na davanje saglasnosti na Cjenovnik usluga u sklopu smještajnih kapaciteta JU "Studentski centar" Sarajevo u skladu sa kategorizacijom smještajnih kapaciteta i drugih usluga. Do današnjeg dana, nismo dobili odgovor.

Ovim putem Vas obavještavamo da je JU "Studentski centar" Sarajevo korigovao cijenu subvencije kao što su to uradili i ostali Studentski centri u FBiH (SC Sveučilišta u Mostaru, SC Antaliya Mostar, SC Zenica, SC Tuzla i SC Islamskog pedagoškog fakulteta), te da je cijena rasla shodno rastu cijenama na tržištu sa minimalnim povećanjem.

S poštovanjem,

Dostaviti:

- Naslovu,
- Savjetnik u Kabinetu direktora,
- a/a.

v.d. DIREKTOR-a
Refik Ožegović

